

12. maj 2014

UPA 2014/156
Karl-Kristian Kruse

Sinerissami tarnimikkut napparsimasut sullinneqarnerisa pitsaassusaata ukiut tamaasa nalilersuiffigineqartarnissaa siunertaralugu Naalackersuisut peqquneqarnissaannik Inatsisartut aalajangiiffigisassaattut siunnersuut. Naliisussat tassaassapput atuisut sulisullu ulluinnarni pineqartunik passussisartut. (Inatsisartunut ilaasortaq Agathe Fontain, Inuit Ataqtigiit)

Siumumiik Agathe Fontain inuiaqtigiit akornatsinni tarnimikkut napparsimasut pittaane-rusumik malinnaavigineqarnissaannik siunnersuuteqarneranut qutsavigaarput.

Siumullu pingaartilluinnarpaa nunatsinni tarnimikkut napparsimasut atugaasa pitsanngor-sartuarnissaat. Taamaattumik siunnersuut tigulluarlutigu ukiuni tulliuuttuni sullissinermi periusissatsinnik ujaasisuarnissarput pingaaruteqarpoq, Siumumiik siunnersuut taperser-sorparput.

Kiisalu Naalackersuisut akissutaani kaammattuutigineqarpoq siunnersuut itigartinneqas-sasoq, 2017-mi ataatsimoortumik tarnimikkut nappaatilinnik sullissinermut ataatsimoor-tumik suliaqarnissaq tunngavigineqarluni.

Siumut isumaqarpoq una siunnersuut itigartinnagu tarnimikkut napparsimasut ukiut siuliini sullissinermut aqquitasimasut pitsaasortaat kiisalu siunissami pitsaanerusinnasortai pillugit Ilaqtariinnermut Peqqissutsimullu Ataatsimiititaliamut ingerlatinneqarneratigut inuiaqtigiinni tarnimikkut nappaatilinnut iliuusissat pitsaanerusut anguneqarsinnaanerat qulaajarneqassasoq tulluurtutut isigaarput Siumumiit, aammalu siunnersuuteqartup ukiut tamaasa tarnimikkut napparsimasut sullinneqarnerisa pitsaassusaat pillugu nalunaaru-siortoqartarnissaa tamanna Siumumiik Ataatsimiititaliami oqallisingineqareerneratigut sullissinermi malitassat pisariaqarpat 2017 sioqqullugu naammassineqarsinnaanerat akornutissaqarsorinngilarput pingaaruteqarluinnarmat tarnimikkut napparsimasut pitsaa-sumik sullinneqartuarnissaat.

Siumumiik siunnersuut ilalerlugu Ilaqtariinnermut Peqqissutsimullu Ataatsimiititaliamut aappassaaneqartinnagu suliassanngortipparput.

Qujanaq.